

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 3/2022-mi Inatsisartut ilaliinissaannik siunnersuut:

**Nunat Avannarliit Killiit Siunnersuisoqatigiiffiata Islandimi, Kalaallit Nunaanni Savalimmiunilu naalackersuisunut kaammattuutigaa pinngortitamik tunngavilimmik takornariartitsisarnermut nunani avannarlerni killerni nunat periusissiat aaqqissuussinerillu qulaajarneqarlutillu sanilliunneqarnerannik ingerlataqaqqullugit, tassunga ilanngullugit nunani pineqartuni takornarniartitsisarnerup annertusiartorneranut atatillugu pinngortitamik atuisinnaaneq illersuinerlu, suliaasaqarfimmi suleriaatsit pitsaanerpaat suussusersineqarnissaat paasiniarlugu.**

(Aallartitat siulittaasuut Kim Kielsen)

### **Akissuteqaat**

(Nunanut allanut, Inuussutissarsiornermut Niuernermullu Naalackersuisoq)

Aallartitat siulittaasuata Kim Kielsenip Inatsisartut aalajangiiffigisassaattut siunnersuutaanut Naalackersuisut qujapput.

Inuiaqatigiinni aningaasarsiornikkut siuariartornermik, suliffissanik nammaneqarsinnaasumillu ineriartortitsinermik pilersitsisoqarnissaa aallaavigalugu Naalackersuisut sulipput.

Takornarialerineq Kalaallit Nunaata aningaasaqarneranut nammaqataassaasoq qangaaniilli kissaatigineqarpoq, ilaatigullu pinngortitamik tunngavilimmik, Issittumullu takornarniarnissap soqutigineqaleralluttuinnarneratigut takornarialerineq aatsaat taamak tunngavigissaartigaq.

Pitsaassutsimik, isumannaassutsimik, piujuartitsinissamillu ukkatarinnilluni Nunatta misilittagassarsiorluni angalasarfittut, angalaffigerusutatullu nunat tamalaat akornanni ilisimaneqalersinneqarneratigut, pinngortitap avatangiisillu illersorneqarnissaat pingaartinneqaannarani, nunatsinni takornarialerinerup ilumut siunissaqarnissaata tunngavissaqarnissaa pingaartinneqassaaq.

Pinngortitamik tunngavilimmik takornariartitsisarnermut nunani avannarlerni killerni nunat periusissiaannik aaqqissuussinerinillu qulaajaanitsigut sanilliussinitsigullu, nunap immikkoortortaanit takornarialerinerup ineriartorneranut atatillugu pinngortitap illersorneqarnissaanut 'pitsaanerpaamik suleriaasissaq' peqatigiilluta qanoq nassaaarisinnaassanerlutigu ilisimanerulersinnaassavarput.

Tassuunakkut ataatsimut ataqatigiittumik suliniuteqarnikkut suleqatigiinnerput suli annerusumik nukittunerulersinnaavoq, immikkullu nukittuffigut ukkatarineqalerlutik, soorluttaaq aningaasaqarnikkut, isumaginninnikkut, kulturikkut avatangiisitigullu soqutigisat akornanni nammaqatigiissitsinissamut oqimaaqatigiissitsinissamullu Nunat Avannarliit Killiit akimorlugit qulakkeerinneqataasinnaassasugut.

Takornarialerineq pillugu periusissiassap suliarineqarnerani, takornarialerinerullu ineriartortinneqarnerani Nunani Avannarlerni Killerni nunat eqqaamiugut isiginiareerpagut. Nutaamik nassuiaasiornissami, annerusumillu suleqatigiinnissami suliap suliarineqarnera,

najukkamilu takornialerinermit iluaqutaasussatut suliniutissatut pilersaarutaareersut akigineqassanngikkalarput. Allaffeqarfik taamak ulapereertigisoq, Inatsisartuninngaanniit allaffeqarfimmut suliakkiisarnerput, nassuiaatinillu annerusunik noqqaassuteqartarnerput ingerlatiinnartariaqarparput?

Naalakkersuisut taamatut oqaaseqarlutik siunnersuut akuersissutigineqassasoq inassutigaat.